



Natal 2015

La fiesta de l Santo Natal ye oucasion felix i zafiante par'un nuobo houmanismo an Jasus Cristo.

Dius ye carne (Jo 1,14) i quijo nacer nua família houmana. Marie i Jesé acuelhen la Grácia Maior de la debindade i de l'houmanidade. L'ancarnaçon de Dius na bida i na stória de las pessonas abriu ua nuoba relaçon de l ser cun i pa ls outros ne ls caminos de la santidade i de la mezericórdia.

L mistério de l nacimiento de Jasus Cristo, la Lhuç que nace de la Lhuç, spicaça custantemente a ua Eigreja alegre, serbidora i pobre al serbício de todos, subretudo de ls que mais precísan. L zafio de l'Eigreja ye l dua pastoral mais profética ne l mundo, *«porque la sue comunidade ye formada por homes, que, reunidos an Cristo, son guiados pul Sprito Santo na sue peregrinaçon an demanda de l reino de l Pai, i recibirun la mensaige de la salbaçon pa la comunicar a todos. Por este motibo, l'Eigreja síntese rial i antimamente lhigada al género houmano i a la sue stória»* (Gaudium et Spes 1).

L Natal proclama la dignidade inalienable de la pessona houmana i transforma l coraçon de ls que zeian ber l Ambisibe *«para que, cuntemplando a Dius bisible als nuossos uolhos, dapréndamos a amar l que ye ambisibe»* (Prefácio de l Natal I).

Por isso, precisamos d'adultos que séian eiducadores i teçtemunhas cun ls ninos, cun ls adolecientes i cun ls moços ne ls caminos de la berdade, de la justiça, de la respunsabilidade i de la lhibardade an todos ls ambientes houmanos, naturales i digitales, para bemos la salbaçon de Dius (cf. Lc 3,6) i para ua cultura de la ternura.

De coraçon abierto, n'alegria de la fé, de la speranza i de la caridade, séiamos outénticos çcípulos missionairos de la Paç i de la Lhuç de l Eibangelho.

A cada pessona i a todas las famílias, un santo i mezericordioso Natal!

✠ José, Bispo de Bregança-Miranda